

Universitätsbibliothek Paderborn

**TRACTATVS|| DE CON-||FESSIONIBVS MA=||LEFICORVM ET
SAGA-||RVM SECVNDÒ RECOGNI||tus, & auctior redditus.||
An, & quanta fides ijs adhibenda sit?||**

Binsfeld, Peter

Avgvstae Trevirorvm

VD16 B 5530

6. Præludium. Præcedenti affine. Omnia opera maleficorum effectum sortiuntur ex pacto expresso, vel tacito cum Dæmone, ita vt semper, quando vult maleficus operari, expreßè vel tacitè inuocet Dæmonem ...

urn:nbn:de:hbz:466:1-41113

hieriposse, vt malefici iterum cōuertantur ad
saniorem mentem, quando semel Dæmoni
sua nomina dederunt, & Christianæ fidei ab-
renunciārūt. Sed hic error cūm sit falsissimus,
à Concionatoribus ab humanis mentibus ex-
tirpandus est: multos enim trahit in despera-
tionis peccatum, qui ad Christum redirent;
tollit libertatem arbitrij, gratiā Dei extenuat,
& diabolum potentiores facit ad perdendū,
quām Christum ad saluandum, contra verita-
tem ab Apostolo traditam. Rom. 5. Vbi enim abun-
dauit delictum, superabundauit & gratia. Videmus
etiam, quod aliqui se voto reli- gionis solemni,
corpore & animo in perpetuum Deo conse-
crarūt, ipsiusq; castra multis annis secuti sunt,
qui quādoq; in fine vitæ Dæmonis suggestio-
nibus impulsi, apostatae fuit, & suave Christi
iugum derelinquent. Quanto magis, qui in-
felicis Dæmonis sodalitium sequuntur, etiā si
eius obsequio se deuouerint, poterunt gratia
Dei adiuuante, quæ omnibus petentibus da-
tur, ad communionem fidelium, si velint, re-
dire, & duram diaboli seruitutem excutere, &
hæc doctrina hoc infelicitempore sèpius po-
pulo inculcanda est.

6. Præludium. Præcedenti affine.
*Omnia opera maleficorum effectum sorti-
untur ex pacto expresso, vel tacito cum Dæ-
mone, ita ut semper, quando vult maleficus*

*Omnia ma-
leficorum o-
pera sicut ex
pacto cū Dæ-
mone tacito
vel expresso*

B 3

opera.

operari, expressè vel tacitè inuocet Dæmonem in auxilium, ut concurrat ex pacto.

Hoc præludium, cum tota opera magorum & maleficorum fundetur in pacto & quasi condicto cum Dæmonibus, ut attestantur Doctiss. in Theolog. Franciscus Victoria in R. elect. de arte Magica, & Iosephus Angles, in l. par. Florum q. q. 1 heologicarum in 2. in q. de eadem materia latius quam in priori editione est extendēdum, maximè cùm Ioannes VVierus celebris in medicina, & vir varia lectionis, qui ferè totam machinam maleficorum & agarum in phantasmata, melancholiam & illusionem refert, hoc fœdus etiam & pactum imaginariū, & impossibile iudicet, & satis congruē ad suum propositum: Quia de structo fundamento, quæ ex ipso sequuntur, de structa censentur: & cùm dictus Doctor Medicus in ipso fundamento cœciuat sicut etiam in quibusdam alijs principalibus punctis huius materie, habeatq; aliquos suę opinionis discipulos: fusius doctrina de pacto Magorum & maleficorum stabilienda est, ut firmo iacto fundamento, edificium firmius stet. Impugnat dictus auctor pæctum hoc & fœdus præcipue in lib. de Lamijs ca. 7. & 8. & 23. & de præstigijs Dæmonum lib. 6. cap. 27. & in d. cap. 23. non constare dicit de pacto, nisi ex propria stupidarum delusarumq; anicularum confessione. Et in d. ca. 27. argumentus impossibilitatem pacti arguit, quæ infra soluentur.

Vera & Catholica doctrina est intercedere posse pactum, & de facto interuenire in operibus Magorum & maleficorum. Probatur in primis ex illo Esaie 28. Dixistis, percussimus fœdus

fœdus cum morte, & cum inferno fecimus pa-
Etum. Quod ad præsentem sensum, allegarūt
S. Thomas 2.2.q.95.art.4.in corpore. Alphon-
sus Caſtreñ. lib.1. de iusta hæreticorum puni-
tione, cap.14. Mart. Nauarr. de pœnitentia d.1.
cap. Nunquid Cain. Paulus Grilland lib.2. de
Sortilegijs, q.3. Atq; hæc Esaiæ verba ad pro-
positum etiam accommodant Pontifices, Io-
annes 22. in extrauag. incip. Super specula edi-
ta contra Magos & magicas superstitiones. Et
Sixtus V. in Bulla contra Astrologos, incanta-
tiones, diuinationes & sortilegia. Quare non
rectè Cenſor nostertam pæctum, quām hunc
sensuī verborum Esaiæ impugnauit. Quan-
doquidem sacra Scriptura non solum vnum
habet sensum, sed etiam plures. Clarius idem
probat illud Euangelij Matth. 4. Iterum in-
quit scripture, assump̄tum in montem ex-
celsum valdē, & ostendite ei omnia regna mun-
di, & gloriam eorum, & dixit ei: Hæc omnia
tibi dabo, si cadens adoraueris me. Tunc dicit
ei Iesuſ. Vade Satana. Scriptum est enim, Do-
minum Deum tuum adorabis, & illi soli ser-
uies. Hic per cunctor, an hæc non sit species &
forma pæcti: Hæc omnia tibi dabo, si cadens
adoraueris. Quis enim Iurisperitorum dubi-
tauit pacta fieri hoc modo, per si, dabo hoc,
vel tantum, si hoc feceris. L. hoc iure. ff. de do-
nationib. L. Labeo scribit, si mihi Bibliothe-
cam. L. Iuris gentium, ff. de pæctis. Baldus in

¶4 DE CONFESSIONIBVS

Tract. de pactis, à num. 20. Ioan. Baptista Gae-
ci lupus in Tract. de eadem materia, q. 6. & alij
in ll. allegatis. An non etiam formē contractus
innominati sunt, secundum leges & omnes
Doctores hæc? Do ut des, do ut facias, facio ut
facias, facio ut des. ff. de præscriptis verbis: &
in factum actionib. L. Naturalis meus, Glossa
& DD. ibidem. Angelus, Sylvester, Aurea Ar-
milla, & omnes summistæ in verb. Cōtractus.
Quid ergo aliud sonant secūdum legitimum,
naturalem & verum sensum hæc verba. Hæc
omnia tibi dabo, si cadens adoraueris me, nisi
pactum? dabo, si exercueris actum adoratio-
nis, do, si hoc feceris: hoc modo etiam semper
nosotros maleficos & sagas in primis aggredi-
tur. Si Deo & suis abrenunciaueris, mihiq; ad-
hæseris, liberabo te à tali desolatione, aut tri-
bulatione, aut paupertate, dabo diuitias, aut
offeram voluptatem ad libitum, aut faciam te
votum compotem, &c. Vt nō modo percipimus
ex confessionibus stupidarum anicularum,
sed etiam virorum doctorum vtriusq; status,
Ecclesiastici & ciuilis, hominum, iuuenium &
senium, (quod sanè dolendum) imò etiam cō-
uersorum & pœnitentium. Deinde ad proba-
tionem dictæ veritatis accedit canon. 26. cau-
sa. q. 2. cap. Illud: ex August. in hæc verba: Om-
nes artes huiusmodi, vel nugatoriæ, vel no-
xiæ superstitionis, ex quadam pestifera socie-
tate hominum & Dæmonum, quasi pacta insi-
delis.



delis, & dolosæ amicitiæ constituta, penitus sunt repudiandæ & fugiendæ Christiano. Nec abhorret lex ciuilis hoc pactum. C. de malef. & mathem. in l. multi: dum ait, manibus acci-
tis, id est, secundum Glossam, Dijs infernali-
bus, quomodo vocati veniunt Dæmones, nisi
ex pacto? Certè humana potestas, cùm sit infe-
rioris ordinis, & longè infirmioris virtutis,
Dæmonem ne minimum quidem cogere pos-
set ut accitus compareret, nisi pactum interce-
deret. Sed plura pro explicatione istorum
verborum adducimus in Commentario inti-
tul. C. de malefic. & mathemat. in d.l. Multi:
quem præsenti tractatui statim subiicimus.
Comprobat etiam hoc pactum communis
Theologorum sententia. D. Cyprian. in li. de
duplici martyrio attestatur, quod qui magi-
cis artibus vtuntur, tacite Christum abnegent,
dum cum Dæmonibus habent fœdus. S. Au-
gustin. li. 2. de doctrina Christiana; à ca. 20. cu-
ius verbarelata in d. cap. Illud: S. Thom. in 2. 2.
loc. citat. & in quæst. 96. sœpè. S. Anthonin. 2.
part. titul. 12. Guilhelmus Parisiensis in tract.
de fide & legib. fol. 45. col. 2. in edit. Parisiensi
de Anno Domini 1516. Scotus in 4. dist. 34 Ga-
briel. in 2. d. 8. q. 2. art. 4. dub. 2. Syluest. & An-
gel. in verb. Superstitio, & maleficium. Ioan.
Gerson in 1. parte, in Triologio Astrologiæ
Theologizatæ. Martinus Arles in tract. de su-
perstitionibus, à num. 85. Ioannes Trittemius

B 5 de re-

dereprobis & maleficiis ad quæstiones propo-
fitas a Maximiliano Cæsare. Franciscus Victo-
ria, Castrensis & Iosephus Angles loc. citat. Io-
an. à Turrecremat. in d. c. Illud: 26. q. 2. Martin.
Nauar. in manuali confessariorum, cap. 11. nu.
25. & alij communiter alibi. Consentient Iu-
risperiti Paul Grillan. in d. q. 5. de Sortilegijs.
Iodocus Damhauderus in cap. 61. Præticę cri-
minalis. Ioannes Bodinus lib. 2. cap. 3. & 4 de
Dæmonomania Magorum, & in confutatione
opinionis VVieri, pag. 440. in editione Basili-
ensi de Anno Dom. 1581. accedit Thomas Era-
stus Medicus in Dialogo de Lamijs, qui do-
ctissimè confutat opinionem VVieri, ad pro-
positum, tacito nomine. Atq; hanc Catholi-
cætentiam determinauit Vniuersitas Theo-
logica Parisiensis Anno Domini 1398 19. Sep-
temb. damnando errores aliquos circa mate-
riam superstitionum. Hos autem articulos
ponunt Gerson in 1. parte suorum operum: &
Bodinus in initio sui libri, & alij alibi.

Tertius articulus ad nostrum intentum ta-
lis est. Quod inire pactum cum Dæmonibus
tacitum, vel expressum, non sit idolatria,
vel species idolatriæ, error. Et intendimus
esse pactum implicitum in omni obserua-
tione superstitionis, cuius effectus nō debet à Deo,
vel natura rationabiliter expectari. hæc in d.
articulo.

Non desunt apud Scriptores præclarap-
etorum

Etorum explicitorum exempla, quæ ad ædificationem & instructionem lectorum placet ascribere. S. Amphilius in vita Basili Magni, quam inserit Laurentius Surius tomo primo, refert, quandam infimæ sortis adolescentem Protherij Senatorij ordinis viri filiam deperisse, qui quod se humili & obscuro genere natum cognosceret, Magum adiisse, promittendo ei multam auri vim, si eius opera puella possit potiri. Magus hominem ad Dæmonis voluntatem paratum animaduertens, cum litteris ad diabolum mittit, quas ille ea noctis hora & loco, ut incantator constituerat, in æratollit, simulq; operam Dæmonis alta voce implorat. Literarum autem talia erant verba: Quandoquidem, mi domine, non cunctanter in eam curam mihi incumbendum est, vt à Christiana religione homines abstraham, & tuæ adiungam voluntati, quo tua pars fiat auctior: En mitto ad te hunc qui præsentes perfert literas, puellæ cupiditate inflammatum, petoq; vt liceat ei adipisci quod appetit, vt & in illo glorier, & cum multa alacritate congregem alios, qui placeant tibi. Mox adsunt Principes potestatis tenebrarum spiritalis nequitiae, & lætabundi apprehensum miserè errantem ad diaboli conspectum ducunt, monstrantq; eum illi in sublimi throno sedentem, vallatumq; vndiq; turbis malignorum spirituum. Accipiens autem ille literas à mago mis-

missas dixit ad miserum, Credis in me? At ille inquit, credo: Et abnegas Christum tuum? respódit, abnego. Tum diabolus, manu tua scriptas mihi exhibet literas, quibus Christotuo & Baptismati vltro renuncies, meq; sponte in æternum profitearis, & quod in die iudicij preparatas pœnas sempiternas tecum libens sis subiturus, & ita confessim efficiam te rei optatæ compotem. Scripsit ille manu propria ad diaboli petitionē. Statim fornicationis spiritus mittitur, vt puellam perditiiuuenis amore inflammet, iussis obtemperat, atq; tantam mox in puellæ pectore amoris ignem excitatuit, vt se morituram diceret, nisi de parentis consensu famulus sibi matrimonio iungetur. Basilius deinde hominem diabolo deuotum, Christo reconciliauit.

Nota est etiam historia de Theophilo, quam Metaphrastes descripsit ex Eutychiano Patriarcha Constantinopolitano, quite testatur scribere ea quæ à Theophilii lingua audiuit, & eam historiam adiunxit suis etiam Surius tomox Simeone Metaphraste. Meminit eius etiam breuius S. Anthoninus 4. partetit. 15. cap. 45. §. 6. Hic Theophilus, cùm esset in oppido Ciliciæ Adana Ecclesiæ OEconomus, vel vt S. Antonin. ait, Archidiaconus, iniuste per exemplorum calumnias administratione siue dignitate exutus, impatiens tantæ iniuriaz, Iudæi insignis magi in ea vrbe auxilium implo-

plorat. Qui eum admonet, ne viso prodigio,
aut aliquo percepto sonitu, signū crucis for-
maret, & sic in cōdicta nocte accepit eum ma-
gus in hippodromum ciuitatis, vbi viros plu-
rimos lēnis indutos cum multitidine lam-
padum & satellitum conspiciatur, atq; in eorū
medio principem tenebrarum confidentem
cum asseclis suis: mox ad Iudæum hæc profe-
rentem verba. Quod nam possum ei dare au-
xilium, qui seruit Deo suo: sin autem vult re-
uera meus esse seruus, & in meorum numerū
referri, ego opem ei feram, ut plus quam ante
possit facere, & omnibus imperare. Neget ita
que filium eius qui dicitur Mariæ, & illam ip-
sam, & illorum negationem ac renunciatio-
nem mihi scriptis mandet, & quæcunq; vult à
me impetrabit. Tunc protinus Theophilum
ingressus est Sathanas, & pactus cum diabolo,
negauit Christum, & sanctissimam Dei paren-
tem, & cùm scriptis mandasset suam negatio-
nem, cera obsignauit, & principi tradidit, &
cùm se innicem essent amplexi, ambo recesser-
unt à principe; Theophilus quondam Oeco-
nomus, & proditor ex hippodromo, magna
affectione letitia propter suum interitum. Sequē-
tiautem dic Episcopus qui Theophilum offi-
cio priuauerat, pœnitentia ductus, eundem
cum omni honore restituit, Theophilus et-
iam memor sui discessus à Deo, intercessione
B. Mariæ Virginis, cum pœnitentia redit ad
Deum,

Deum, à quo defecerat, & tandem charta ab-
iurationis cum bulla ceræ Theophilo reddi-
tur.

Nec huic multum dissimile est aliud rela-
tum à Cæsario Heisterbacensi monacho in
libr. illustrium miraculorum & historiarum
mirabilium, quem scripsit circa annum 1222.
per modum dialogi, in lib. seu distinct. 2. cap.
12. Vbi sic incipit & persequitur: Infra hoc
quinquennium, iuxta Floreffiam, cœnobium
Ordinis Præmonstratensis, in Diœcesi Leo-
diensi, adolescens quidam nobilis habitauit,
cui pater moriens, utpote vir magnus &
potens, multas diuitias reliquit. Factus miles i-
dem iuuenis, ut gloriam sibi conquereret
temporalem, breui ad magnam deductus est
paupertatem: caussa laudis humanæ torne-
mentis totus deditus erat, histrionibus sua
larga manu tribuebat, & quia ad tales effu-
siones redditus annui minus sufficiebant, hæ-
reditatem paternam vendere compellebatur.
Erat autem in proximo manens miles qui-
dam diues & honestus, ministerialis tamen:
huic iuuenis iam dictus allodia, siue feuda
sua partim vendebat, partim in vadimonio
expendebat. Et cum iam non haberet quod
venderet, vel exponeret, cogitabat exulare;
tolerabilius iudicans, inter extraneos mendi-
care, quam inter notos & affines egelatis con-
fessionem sustinere. Habebat autem villi-
cum,

cum, hominem quidem malignum, nomine, non re Christianum, & dæmonum ministerio totum mancipatum. Videns hic dominum suum tristem, & tristitiae non ignorans causam: dicebat ei: Domine, vultis diues fieri? Respondit, libenter diues fierem dummodo diuitiæ esse possent cum DEO. Et villicus: Nolite timere, sequimini tantum me, & bene erit vobis. Statim secutus est miserum, tanquam serpentis vocem Eua, quasi sibilum aucupis auicula, in laqueum diaboli celerius deponendus. Et duxit eum in ipsa nocte per quoddam nemus, in locum palustrem, & cœpit quasicum aliquo habere sermonem: cui iuuenis, cum quo loqueris? Respondit domino suo villicus ille iniuritatis: Tacete tantum vos, nec sit vobis cura cum quo loquar. Cumque secundò loqueretur, & iuuenis iterato sciscitaretur, respondit, cum diabolo. Et cœpit iuuenis nimis horrere. Dicebatque villicus diabolo: Domine, ecce virum hunc nobilem, dominum meum adduxi gratiæ vestræ, maiestati vestræ supplicans, ut vestro auxilio pristinis honoribus, atq; diuitijs restitui mercatur. Ad quem diabolus: Si mihi deuotus & fidelis esse voluerit, dabo ei diuitias magnas: Insuper addam gloriam & honores, quales non habuerunt patres eius. Respondit villicus, libenter vobis obsequiosuserit & fidelis,

fi

33 DE CONFESSIONIBVS

lis, si talia fuerit consecutus. Et ille, si voluerit illa à me consequi, abrenunciare debet in instanti altissimo. Quod cùm iuuenis audiret, & facere renueret, dicebat homo ille perditio-
nis: Quid timetis proferre verbulum vnum? dicite, abrenuncio. Tandem miset iuuenis à villico persuasus, cretorem suum ore suo negauit, manu exfestoauit, diabolo homagium faciens. Hoc scelere perpetrato, diabolus adiecit: Adhuc opus imperfectum est, et iam abrenunciare debet matri altissimi: illa enim est quæ maximum nobis adfert damnum: quos filius per iustitiam abiicit, mater, quia nimis misericors est, ad indulgentiam reducit. Sibilauit iterum serpens in aure adolescentis, vt domino suo in hoc obediret, vt sicut filiū ita etiam & matrem abnegaret. Ad quod verbum iuuenis nimis expauit, turbatusq; supra modum, respondit: Hoc nunquam faciam. Quare, inquit villicus, fecisti quod maius est, facite nunc quod minus est: maior est creator quam creatura. Et ille: Nunquam negabo eam, etiam si me oportuerit ostiatim mendicare per omnes dies vitæ meæ, & non acquieuit. Sicq; infecto negocio ambo reuersi sunt, nihil quidem honoris consecuti, sed maxime peccati pondere grauati, villicus suadendo, iuuenis consentiendo. Haec ille. Deinde subiungit, iuuenem merito & intercessione B. Virginis contritum de peccato & liberatum,

necq;

nec non tandem honestissimo matrimonio donatū, quo mediante, sub nomine dotis omnia sua bona recuperauit: Et adiicit auctor hæc verba: Adhuc, vt puto, viuit, viuunt & socii, post quorum mortem, eorum hæreditas ad ipsum reuertetur. His etiam addere possumus factum D. Cypriani, qui etiam ante conuersionem suam magiæ deditus, chyrographo se obstrinxerat Dæmoni, vt ex eius actis colligitur. Verùm hīc paucis moueri potest dubium: An Cyprianus martyr & Episcopus Carthaginensis fuerit ante conuersionem magus: vel alius. In primis certum est ex probatissimis historijs, duos fuisse eiusdem nominis martyres: Alterum Cyprianum Episcopum Carthaginensem, & scriptorem præclarissimum operum. Alium martyrem Necomedensem, vbi martyrium subiit. Nunc ad dubium. Cyprianum Episcopum Carthaginem Magum fuisse, apertè sentiunt Niceph.li.5. hist. Eccles. c. 27. Greg. Nazianz. in orat. in laudem Cypriani mart. Prudent. in hymno de S. Cypria. Metaphrastes apud Lypomanū to. 6. de vitiis Sanctorum, & Lauren. Surium tom. 5. in mense Septemb. &ceteri græci, vt attestatur Cæsar Baronius in notat. ad martyrologium Roman. 14. Septemb. Nec video, ex antiquis etiam quis Latinorum in contrarium eat, nec Baronius aliquem allegat. Non fuisse hīc Cyprianum Magum, sed alium Necomedien-

C sem,

sem contendunt ex recentioribus Pamelius in
vita S. Cypriani, ante eius opera, Pamelij o-
pera edita, leui argumento motus, & diligen-
tius Cæsar Baronius, vir vitæ sanctitate, eru-
ditione, indefesso labore in annalium Eccle-
siasticorum scriptione, & matura senectute ce-
lebris, in notat. ad d. martyrologium 14. & 26.
Decemb. & breuius se referendo ad prius di-
cta tom. 2. annalium ecclesiasticor. sub Anno
Christi 250. pag. 439. in editione prima Plantia-
niana, & alij quidam iuniores. Hanc sententiā
apud antiquos non puto reperiri. Nec refert,
quod Pontius Diaconus, quivixit cum D. Cy-
priano Carthaginensi Episcopo, eiusq; vitam
conscriptis, quę à Surio to. 5. 14. Septem. inseri-
tur, non dicat Cyprianum magū fuisse: Quia
Pontius, ut satis constat ex initio vitæ ab eo
descriptæ, eius acta tantum repetitæ conuer-
sione, & tempore quo cœlesti curię inscriptus
est: Quem ordinem etiam D. Hieronym. licet
breuissimède scriptorib. Eccle. de S. Cypria-
no insecurus est. Fatendum sanè est, auctori-
bus antiquioribus multum fidei tribuendum
in retam antiqua. Si enim ea inspiciantur, quę
Lypomannus tom. 6. de vitiis Sanctorum, ante
gesta & vitam martyrum, Cypriani martyris
& Iustinæ, & auctor annotat. in orat. Gregorij
Nazianz. in laudem D. Cypriani, post Scholia
maxima oritur difficultas circa huius historię
veritatem, & difficilimum est conciliare au-
ctorum

ctorum scripta, nisi ponatur vtrumq; Cyprianum fuisse Episcopum Carthaginen. vt etiam Aloysis Lypomann. fatetur. Nec vsque adeò laboriosum videtur dissoluere ea, quæ Baroniū adfert ex dictis à Lypomanno, & Metaphraſte, si altius omnia conſiderentur: Verum historiæ ſcriptoribus hæc exactius conſiderāda relinquimus. Hæc à nobis adiecta ſunt propter quendam Cenſorem ſcripti mei poſtremi, in quo tribus aut quatuor verbis ſecutus antiquorum ſententiam, ſignificaueram, Cyprianum Carthaginen. Magiè fuisse cultorem: Quę cùm Cenſor animaduertifſet, anno-tauit, atq; etiam alijs ſimplioribus tanquam ingentem ignorantia labem, ad diminuēdam meam auctoritatē, ingeſſit: & quia fortasse latius Cenſoris mentio incident, paucis aperiam rei ſeriem. Cùm enim Anno Dom. 1591. auctius prodijſſet ſcriptum meum de Confeſſionibus Maleficorum & Sagarum, quidam etiam Theologicæ facultatis (quem honoris gratia nominare nolo) traetatum in libros diſtinctum ſcriptis concepit, & ad describendū alijs tradidit, deſcriptum prælo tradidit. Aliquibus folijs iā impressis, Typographus Coloniensis imperio magistratus fuit impeditus, ne pergeret, vt ipſemet in literis manu propria impressoris ſcriptis legi. Finis ſcripti erat ostendere, (quod tamen nullis apparentibus argumentis, ſed ſolum ſplendidis verbis & di-

C 2

cterijs



Et erijs præstitit) omnia quæ dicuntur de maleficorum & Sagarum Confessionibus & operationibus, esse vana, falsa, & somnia, ideoque magistratum summo scelere, & maximo peccato perstringi, qui huiusmodi personas persequitur. Ad persuasionem huius intenti, librum multis verborum ambagibus, adiunctis etiam nonnullis iniuriosis, ac alijs erroribus, etiam contra fidem Catholicam, & communem omnium DD. Theologorum certissimā doctrinam, onerauerat. Tamen quia filius Ecclesiæ erat, errores recantauit, ad commissiōnem Reuerendissimi & illustrissimi Octauij Episcopi Tricaricen. Nuncij Apostolici, & veniam de iniurijs deprecatus est. Hæc scripte sufficiat in gratiam eorum, penes quos vel in albeolis, ac chartis, vel in memoriae cellulis adhuc aliquæ illius libri reliquiæ resident. Sed his omissis ad institutum redeamus.

Dicet aliquis: Quare seruant huiusmodi pacta & promissa Dæmones, cùm tamen sint mendaces & fallaces? Dico in primis, q[uod] nec semper seruant, nec seruare possunt, cùm non sit in eorum potestate. Hinc Christo promittebat Matt. 4. dare omnia regna mundi & gloriam eorum, quæ tamen non erant in eius potestate. Vnde Remigius in illum locum. Miranda est diaboli dementia: illi promittebat dare regna terrena, qui suis fidelibus dat regna cœlestia, & gloriam mundi, qui est cœlestis gloriæ Dominus.

nus. Et Hieron. in eadem verba, tom. 9. Arrogans & superbus de iactantia loquitur. Non enim potest omnia dare, cum sciamus plerosq; sanctos viros a Deo reges factos. Alludere ad idem Euangelij videtur Michael Psellus in li. de Dæmonibus: quando dicit: Etsi Dæmonia diuitias nobis & gloriam promittunt, nihil tamen ex se tradere possunt: Quippe cum imperium nullum habeant, sed visu tantum quædā inania suis cultoribus afferunt, varia prorsus & instabilia. Sic innumerabilibus processibus constat, quod maleficiis in principio subversionis pecunias argenteas, sicut etiam S. Anthonio Sportam argenteam ostendebat, promittat, ostendat, & det. Quas cum putant se habere, & eis volūt vti, pecuniæ resolutæ sunt in stercore equorum, aut aliam vilem materiam. Non tamen negandum, Dæmonem aliquando veras pecunias dare, ut sua mancipia confortet in malo, ne si ipsum semper mendacem inueniant, sidem non habeant, scit enim illud commune pronunciatum, Mentiris solito, verum non creditur ylli. Huius rei exemplum libet hic inserere de fœmina nota Treuiris, Colonię, & in locis viciniis Ex cuius processu judiciali & criminali Authentico manu notarij scripto, corā iudice & scabinis, aliqua puncta ad instructionem congruis locis inseremus præsenti editioni: Quare altius cursus rei repetendus est. Fuit fœmina satis diues in

38 DE CONFESSIONIBVS

Pago distantia à Treuirensi Ciuitate paruo milari, nomen Pago Rouer, & Fœminæ Meisenbeins Anna. Hæc cùm multorum suè factæ virorum & mulierum denunciationibus, & alijs indicijs in vehementem venisset maleficij suspicionem, ab incolis Pagi Rouer apud officiatum siue præfectum loci accusata tanti criminis, clàm se subtraxit, & aliquot septimanis in locis vicinis delituit. Tandem à nobili & valido viro Ioanne Piesport, Officiato Abbatis monasterij S. Maximini extra & prope muros Treuirenses, cuius iurisdictioni ratione domicilijs subdebat, requisita & monita ad comparendum & purgandum super indicijs. Requisitione non obstante, criminis conscientia mulier, adhuc ætatis mediæ, prima habita opportunitate, nauigio in flumine Mosella Coloniam se recipit. Deinde temporis successu, Deo sic disponente, vt occulta & nefanda crimina prodantur & puniantur, dicta rea ab alijs pluribus, imò à proprijs filijs & filiabus, quos etiam tanti sceleris, & aliorum grauiissimorum participes reddiderat, vehementius adhuc delata. Seduxit enim duos proprios filios, & duas filias: alter filius, & una filia ante capturam matris, in magna pœnitentia cum multorum mœrore, vitam laqueo finiuerūt, & corpora igne consumpta: alias filius, & filia adhuc impuberis in custodia detinentur, & instruuntur. Deus det ipsis bonam mentem,

& con-

& constantem conuersionem. Cùm autem maior natu filius, cuius infra aliquoties mentionem faciemus, cui nomen proprium fuit Ioannes Cuno, sentētiā criminalem in confessu Officiati, Prētoris & Scabinorum, coram Tribunali acciperet, vehementer & impensè, zelo salutis maternæ, vt pium decebat filium inflammatus, rogauit iudices, vt studio cogitarent, & industria laborarent, si qua ratione & via matrem ream comprehendere possent, vt tandem in hac vita conuersa ad Deum, per pœnitentiam, temporali ignominia, & momentanea morte æternum & infinitum redimeret supplicium tantis criminibus debitum & præparatum, si in hac vita pœnitentia non expientur. Iuuenis, honestissima, & plenissima m. sericordiæ petitione, necnon etiam scelerum multitudine magnitudineq;, quæ rea maer commiserat, dictus Officiatus rectè excitatis, Senatui Coloniensi, & bonis amicis Colonæ, qui negotium promouerent, proprio & ad rei expeditionē exercitato nuncio scripsit. Amplissimi & nobilissimi Senatus prouidentia, & diligēti dispositione, Rea Coloniæ irquisita, & cùm subinde ædes & domicilium mutasset astutia, vt non facile inueniretur, tandem reperta, & missa Officiato S. Maximini prædicto, comitantibus tribus, aut quatuor fortibus & armatis custodibus, & sic s. Octobris Anno Domini 1590. adduēta, &

C 4

tradi-

tradita in custodiam Monasterij S. Maximini,
Octaua eiusdem mensis, Officiatus reprodu-
cta copia in dictiorum coram prætore & scabi-
nis, eorum consilium & iudicium requisiuit:
Qui iudicarunt, quod rea benevolè & seriò
interrogaretur, & nisi veritatem sic fateretur,
moderata tortura adhiberetur. Et sic factum
est, prius constanter negavit, adhibita tortura,
confessioni initium dedit, & paulatim conti-
nuavit. Inter reliqua confessionis pœnitentię, con-
fessa fuit, quod cùm à proprio marito lurius
tractaretur, & vnius proliſ mors subsequere-
tur, grauius commota cogitare cœpit, se à Deo
derelictam esse, animumq; abiecit. Qua cogi-
tationes & similes cùm mente volueret; Dæ-
mon in forma viri nigris vestibus indui, no-
te prope lectum apparuit, & dixit: Si Deo, à
quo deserta esset, vellet abrenunciare, si ipse
adhærere, & operam addicere, quod patem se
procurante esset habitura. Sic excœcata latim
fidem Dæmoni dedit, Deo, B. Virginī, quam
Latam malus spiritus appellabat, atq; onnibus
sanctis abrenunciauit, & dixit: Deus, ex quo
auxilium ferre recusas, intermitte. Sttim a-
masius, qui se Fedderhang nominabat, frōtem
tetigit, ac si crisma eradicaret, pedes habebat
asininos. Cùm Dæmoni deceptionem obij-
ceret, eumq; mendacem assereret, proconfor-
matione dedit ei duplicem ducatum, verum,
legalem & bonum, quem in marsupium repo-
suit,

suit, & alijs pecunijs adiunxit. Hæc mulier 20.
die mensis Octob. Anno Dom. 1590. viua igni
tradita est, & bonum vitæ finem habuit. Dein-
de, vt ad propositum reuertamur, secundum
Scotum, & Gabrielem locis citatis, & alios ali-
bi, Dæmones seruant pacta & promissa, non
quia veraces, sed vt alij eis adhæreant, quia si
nulla pacta seruarent, nulli homines eis serui-
rent.

Annotandum etiam, quod quemadmo-
dum secundum leges & Iurisperitos, duplex
est pactum; Tacitum & expressum. L. Labeo.
L. Item quia conuentiones ff. de pactis. Barth.
Bald. Iason & DD. ibidem: Ita etiam duplex
intercedere potest pactum inter hominem &
Dæmonem: Tacitum & expressum. Tacitum
est, quando aliquis contendit facere aliquid
per caussas, quæ nec virtute naturali, neque ex
diuina aut Ecclesiastica institutione possunt
illud efficere, vel quando huiusmodi caussæ
tanquam necessariæ adiunguntur alijs, quæ
possunt talem effectum producere, vt explicat
Nauar. in manuali Confessoriorum cap. II. nu.
25. & satis colligitur ex d. artic. Parisien. Sic ta-
citum pactum ineunt quandoq; viri ex curio-
sitate, quando vident suas vxores se vngere, vt
ad cursum & congregationem nocturnâ pro-
fiscantur, ipsi eodem vnguento se vngunt, &
sequuntur. Cuius rei exempla Grillandus &
alij referunt. Quia enim fidem habent, quod

Duplex pa-
ctum potest
esse inter ho-
minem &
Dæmonem.

C 5 tali

tali vnguento vis insit, tacitè consentiunt in
opusdiaboli, qui accurrit, & auxilium fert.
Pactum expressum est, quando consensus ex-
primitur per verba, nutus, aut signa. Cuius-
modi est illud, quod ut plurimum malefici
faciunt, quando Deo abrenunciant, & Dæmo-
ni in seruitutem se tradunt. Grillandus in d.q.
3. Damhauderus, Castrensis & alij duplē
etiam distinguunt Sortilegorum professio-
nem. Tacitam & expressam. Tacita professio
est promissio quædam, quam quis facit alteri
professo de obseruando, quæ sibi mandauerit
sub promissione, quod grandia faciet, & mira-
bilia in vita sua, cognoscet futura, & multa a-
lia, his similia: dummodo fidem Catholicam
abijciat, & omnia Ecclesiastica Sacra menta co-
temnat & repudiet, atq; adhæreat cultui & o-
bediētiæ sui magistri, & hæc professio dicitur
tacita, quia non sit propriè cum Dæmonie, sed
cum eius ministro: nec interueniunt solenni-
tates extrinsecæ, quæ interuenire solent in ex-
pressa professione. Expressa est, quæ fit cum
proprio Dæmonie: & ista adhuc duplex est. V-
na quæ dicitur solemnis siue publica: & altera
priuata. Solemnis est illa, quæ fit cum Dæmo-
ne, dum publicè residet in solio Maiestatis,
more principis, quādo fiunt vniuersales con-
gregationes certis nocturnis horis, & quatuor
annī temporibus. Solent enim, ut nostri male-
fici & sagæ referunt, in quatuor anni tempo-
ribus

*Soratilegorū
professio du-
plex.*

ribus nocte quæ intercedit inter diem iouis & veneris celebriores habere conuentus: in quibus multi coueniunt omnis sexus & conditionis homines. Priuata est, quæ fit cum ipso Dæmone pacto expresso, citra tamen solemnitates & hominum multitudinem. Hanc solent facere statim, quando transeunt in societatem Dæmonis. Tunc relinquunt prius Deum, abnegantes eius nomen & baptismum, & reliqua sacramenta Ecclesiæ. Deinde adhærent Dæmoni, eidemq; perpetuam obedientiam spontanea voluntate promittunt, ita ut penitus subditi Diaboli efficiantur. Et sicut veri Christiani secundum Scripturam admonentur, ut omnia opera sua bona faciant, & incipiant in nomine Domini, & ad eius honorem dirigant: Ita hi Diaboli clientuli iubentur omnia facere & incipere in nomine Dæmonis, & ad eius cultum dirigere. Nunc ponenda sunt fundamenta d. Doctoris, quibus pactum hoc impugnat, quod fieri nequeat. Primo, ratione personarum: naturarum diuersitas non patitur, quia cum nulla communio sit inter Dæmonem & hominem, nullum potest esse pactum, aut contractus. 2. Ratione rerum: Quia que dari fieri non possunt nec de iure, nec naturaliter, eorum nulla est penitus obligatio. 3. Ratione conditionis adiectæ stipulationi, pactoue: Quia nec in stipulantium est potestate, nec ita in casu posita, ut natura sit possibilis. 4. Ratione for-

ne formæ: quia non ea fit, quæ dat esse rei, cuiusq; omissione vitiatactum. 5. Rationedissensus: Quia semper de alio & aliter sentit Dæmon, quam homo. 6. Et postremò non nisi imaginarium est vniuersum negotium. 7. Præterea aniculæ, quæ plerunq; lamiæ dicuntur, circumueniuntur dolo, fraude, astu, ignorantia ac errore: ergo non potest esse contractus & pactum. Hęc argumenta ponit lib. 6. de præstigijs Dæmonum cap. 27. pag. 779. In lib. de Lamijs cap. 7. aliter improbat pactum. Dæmō cùm spiritus sit, carnem & ossa non habet, qua reextensa manu, firmaq; stipulatione lamiam recipere non potest, vt tractatur & dicitur de professione sagarum. Præterea dolosa hęc stipulatio, in pernitosum finem conficta, contra DEI voluntatem, si tantum habebit momenti, vt nulla queat rescindi ratione, & necessariò eius virtute alter alterius voluntatem sequi, illiusq; præcepto morem gerere compellatur: Cur pactum illud prius in Baptismo, ex peculiari Dei voluntate & mādato, solemnibus verbis verè sancitum, & quidem interpositis fideiussoribus, tanquam prærogatiua, non præponderabit? Aliaprofecto contractus est firmitas inter Deum veracem & sanę mentis homines. Quicquid ille stipulatur, & in suo verbo addicit, hoc fideliter, & indubitatē præstat, nec data manu præstigiosa deludit, non saltat, nec conuiuatur, vel similibus rebus ludicris

dicris, quibuscum paciscitur, nequiter fallit, dementatue, quemadmodum hic commentatio carnali corpore amasius. Disparitatem huc qui negauerit, nescio quid veritatis hic sit admissurus. Hæc ibidem ille Doctor.

His argumentis facile est respondere, si clare & dilucidè res intelligatur, & distinguenda distinguantur. Pactum enim definitur esse, Duorum, vel plurium in idem placitum & consensu. L. I. ff. de pactis, & dicitur à pactione, id est, pacis actu. Pacisci enim est actus concordiae: Sic potest dici pactum, quasi ad pacem habendam factum. Panorm. in ca. I. de pactis. Vnde pacta diriguntur ad cōseruationem pa-
ais, concordiae & societatis. Hinc optimè in-
telligitur Caietani doctrina, super 2. 2. S. Tho-
mæ, q. 95. art. 4. quod pactum initum cum Dæ-
mone dupliciter intelligitur. Vno modo, pro
conuentione cum Dæmone facta: vt, faciam
hoc, vt facias illud, &c. Alio modo pro sociali
actu cum Dæmone: Et licet pactum & fœdus
propriè sonent conuentione, tamen etiam
in materia superstitionum, & Sortilegiorum
accipiuntur & intelliguntur secundo modo:
& tunc pactum tacitum intelligitur, sicut in-
uocatio tacita. Deinde pacta distinguntur à
iure & Doctoribus, in vtilia, vel, vt aliqui vo-
cant, valida: & inutilia, siue inualida, vel nul-
la. Et sic pacta vtilia ab inutilibus distingui-
tur per essentiam. Nam vtilia pacta habent esse.

Inu-

*Quomodo pa-
cta distin-
guantur.*

Inutilia non. L. Iuris gentium. §. pactorum, & §. si ob maleficium. ff. de pactis. & L. pacta quæ contra. C. eod. tit. & in reg. Quæ contra ius, de reg. iuris, in 6. Caccialup. in tract. de pactis, q. 6. Bald. in tract. de eadem materia. & in d. l. Iuris gentium. Bartol. Alberic. Iason & alij in d. §. Si ob maleficium. Ad quam materiam multas adfert allegationes Bertachinus in Repertorio Iuris, in verbo Pactum, vers. Pacta inualida. Hanc distinctionem si perpendisset di-
ctus auctor, vidisset argumēta sua, quæ ponit, nihil probare. Probāt enim hoc, quod omnes concedimus, & iure tam canonico, quām ciui- li probatur : pacta, quæ fiunt cum Dæmone, non esse vtilia, sed inualida, nulla, turpia, con- tra legem diuinam & humanam, nullam in-
ducere obligationem, repudianda, & rescin- denda. Quia pacta contra bonos mores, & ob maleficia perpetranda inita, cūm sint turpia, contra legem Dei, sunt inualida, & nulla. De talibus pactis tractant DD. Iuris in d. §. Si ob maleficium. Quare auctor rectè dixit: dispara-
tatem qui negauerit inter pacta, quæ fiunt in- rer Deum & hominem, & inter maleficum & amasium, nescio quid veritatis sit admissurus. Pacta enim, quæ fiunt Deo, fiunt de rebus ad salutem animæ & corporis spectantibus, ideo-
que sunt vtilia, valida, & habent essentiam, in-
ducunt obligationem. Quæ verò maleficus cum Amasio, sunt in perditionem animæ & corpo-

*Disparitas
est inter pa-
cta hominis
cum Deo, &
hominis ma-
lefici cum
Dæmone.*

corporis, diuinam maiestatem lœdunt, & sunt
in fauorem inimici Dei & hominum. Atq; h̄c
si bene aduertisset, in argumentis proprijs cō-
trarietatem admittit, cūm dicat, disparitatem
naturarum arguere impossibilitatem contra-
etus & pacti, & tamen probet contractum &
pactum inter Deum & hominem esse: & sacræ
literæ ita esse clarissimè attestantur. Quia cum
Abraham, Moysē, & alijs patribus Deus habuit
pacta & fœderā. Genes. 9. Recordabor fœde-
ris mei, quod pepigi vobiscum Et iterum ibi-
dem: statuam pactum meum vobiscum. Gen.
17. Ponam pactum meum tecum, & eris Pater
multarum gētium. Deut. 5. Deus noster pepi-
git nobiscum fœdus. & 7. cap. & alibi. Si ergo
propterea repugnat fieri pactum inter Dæ-
monem & hominem, quia naturarum est di-
uersitas, cūm homo sit corporeus, Dæmon spi-
ritualis: quomodo non magis repugnat fieri
cum Deo, cūm maior disparitas, si verum sit
fundamentum, arguere debeat maiorem re-
pugnantiam? Maior enim est disparitas quan-
tum ad compositionem hominis ad DEVM,
quā ad spiritualem creaturam. In Deo nulla
omnino compositio admittenda: At in spiri-
tuali creatura licet non sit compositio physi-
ca ex materia & forma, siue corpore & anima,
est tamen metaphysica ex actu & potentia. Un-
deliiquid est, quod homo cum spiritu po-
test pacisci, & quod nihil disparitas prædicta

impe-

impedit. Est enim similitudo & communica-
tio inter spiritualem & corporalem creatu-
ram, quantum ad intellectum & voluntatem,
quarum potentiarum actus cōcurrunt ad pa-
ctum, vt ex definitione pacti clarum est, qua
definitur esse duorum vel plurium, intellige,
personarum, in idem consensus. Consensus
spectat ad volūtatem. Voluntas autem in spi-
rituali creatura etiam est. Membra corporea,
non tam requiruntur ad essentiam contractus
& pacti, quād ad eius expressionem & mani-
festationem, vt noster cōsensus alij, cum qui-
bus volumus pacisci & consentire, innotescat.
Quare sicut spiritualis creatura in corporibus
assumptis nobiscum conuersatur, sonum vo-
calem, articulatū, & quasi humanum format:
ita etiam potest consensum & pactum expri-
mere, & cum homine conuenire. Nam si Dæ-
mon Christo verbis expressis, vt Euangelica
historia claris verbis loquitur, pactum obtu-
lit: quid obest, quo minus alteri idem offerre
possit? Etsi tamen verūm est, quod homo de-
beat dissentire à Dæmonē: tamen tanta est Dæ-
monis astutia, & hoministūm infirmitas, tum
malitia, vt liberè ei consentiat sēpius in mul-
tis, vt omnibus ratione vtentibus constat. Nec
etiam quicquam ad rem facit, quod dicatur,
sagas dolo, astutia & errore decipi: & ideo non
esse pactum: sed tantūm arguit tale pactum
non esse seruandum, sed rescindendum: Dolo
malo,

Matt. 4.



malo, ait prætor, pactum se non seruaturum.
Dolus autem malus fit ex calliditate & falla-
cia. L. Iurisgentium conuētiones. §. Pactorum
autem. ff. de pactis. & dicitur iniquum dolo
factum & fraudandicausla. ibid. §. Sed si frau-
dandi. Quod etiam dicitur non nisi imaginari-
um esse vniuersum negotium. Qua facilita-
te afferitur, eadem etiam reiicitur: nec solū
constat propria anicularum illusarum con-
fessione, sed etiam Doctissimorum in Theo-
logia & Iure auctoritate, & innumerabilium
vtriusq; sexus & status hominum testimonio,
qui tale fœdus non dormientes, sed vigilan-
tes, solutis sensibus, cum Dæmonibus inierūt
in Germania, Italia, Gallia, & alijs locis. Qui
autem omnia imaginaria & phantastica opi-
natur, quæ sacræ literæ, graues Doctores, &
mille hominum expertorum testimonia con-
firmant, multum phantasias perturbatus est.
Quod verò plurimi vtriusque sexus homines
confiteantur, quod in abnegatione fidei, quā-
do fœdus initur, Dæmon malefico aut sagæ
Chrismæ fronte eradicare contendat: id sanè
intelligendum, quia Dæmon, qui vbiq; suum
lucrum & humanæ salutis interitum quærerit,
hic etiam Christianis hanc vult suggerere su-
perstitionem, vt credant, aliquem effectum
hanc eradicationem habere, & se minus hoc
modo potentes fieri ad resipiscendum à tam
infelicitatu, & ad rumpendum fœdus ini-

D quum,

quum, per pœnitentiam & veram ad DEVUM conuersionem. Chrisma, quo Christiani mo-
re Catholico in Baptismo vngūtur, in corpo-
re & fronte amplius non hæret, sed diu aqua i-
dem detersit, nec tam chrismate vngimur ob
corporis commodum, quām animæ salutem.
Chrismatis virtus animam afficit. Vnde era-
dicari Diaboli vngulis nō valet. Quia de causa
nec de nouo Sagē chrismate inunguntur, sicut
nec baptizantur, quādo ad cor redeunt, & suo
creatori corde contrito & humiliato reconcili-
lantur. Character, qui secundū Conciliorum
& Theologorum Catholicam doctrinam effi-
cit, ne sacram Baptisma reiteretur, indelebili-
ter animæ inhæret, corrumpi nequit : Cūm
quiçquid corrumpitur, ad corruptionem
subiecti intereat, aut à contraria qualitate ex-
pellatur. Character autem inest animæ tan-
quam subiecto, quæ corruptioni non est ob-
noxia, nec etiam characteri quicquam contra-
rium est, à quo expelli queat. Nec puto quod
omnes maleficos aut Sagas in fronte vngulis
tangat, sed tantum minus instructos in fide, &
superstitiosos, qui ea laborant persuasione,
quod talis eius tactus in fronte aliquem for-
tiatur effectum.

*Modus co-
gnoscendi, quo
usq; malefi-
corum opera
maleficorum opera se extendant ex permis-
se extendant.*

7. Præludium. Ut cognoscamus, ad quas
sione